



Güerz

AN



DEMEZEL LA FAILL

PEHINI A VOA BET DIVEZIET.

Var ten : *Va Flaneden zo caled.*

ER guêr demeus a Doulous, eur guêr gaer eus Franc,
EE voa eur famill demeus ar brassa esperanç;
 Mes ar Maro didruez e devoa anlevet
 Ar vam vad carantezus d'he merc'h muia caret.

An Autrou La Faill eta, chommet intaon, sivoas,
 Gant e verc'h yaouanç Clemanç, oajet a zeitec vloas,
 N'en devoa nep sonch nemet d'he renta evurus,
 O tonet d'e demezi da un den vertuzus.

Etouez an oll Autrounet voa ouz he darempret,
 Constanç gant calz plijadur e devoa preferet

Ar c'habiten caer yaouanq hanvet Georch a Garran ,
Brava den eljet güelet , hep tamal nep-unan.

E zad voa contant meurbet pa vel o c'harantez ,
Hac a zonch o dimezi hep nep dale memes.
Ar c'houlpl yaouanq-mâ eürus , ar joa en o c'halon ,
A zeporde gant hast vras deiz caer o union.

An tédou fall a deuas da zrouc comz dioute ;
Mes daoust d'an oll deodadou , estim voa evite.
Vertuzus e voant o daou ha christenien güirion ,
Savet e scol ar furnez hac er Religion.

Clemañç a voa ar gaera eus an dimezelet
Demeus ar guër a Doulous a voe biscoas güelet.
O daou hoant eur güir scouer demeus ar yaouanqis ,
Ha dign eus an oll boneur elfet receo da bris.

An deiz memes ma tleye Georch ober ar goulen ,
Eul lizer eus ar Ministr zo erruet souden
Hac a ordrene deàn bea prest en instant
Da vont d'an Indes hep manq e penn e rejimant.

Cetu eta distrujet esperañç o boneur !
Allas ! ne zeus evite bremâ nemet malheur....
Georch a felveze deàn , qent eguet partial ,
E vije grêt an eured eno hep manc ractal.

Mes tad Clemañç a lavar neuze dê gant rêson :
Yaouanq oc'h , va bugale ; sonjit-ta afêçon
Penos abars vo daou vloas , Georch , c'houi a vo distro
Demeus an Enezeou evit atao d'hor bro.

Georch voa disesperet oll , n'oa qet mest dioutàn ;
Gant eul lagad truezus hac eur sonch voa ennàn ,
E ro d'entend da Glemañç en devoa eur c'hoant vras
D'ellout e antreteni a gostez ur vech c'hoas.

Deus embêr da anter-nôs hac hep manq d'ar jardin,
 Ma scuillimp da viana an nerz eus hor chagrin.
 Ia, eme Clemança, m'en em gavo ganes,
 Evit caout ar boneur trist da vouela assambles.

An tad n'en d'oa qet güelet ar sin o devoa grêt,
 Rac gant an druez oute voa troublet e speret.
 D'an tol eus a anter-nôs ha Georch hac e Vestrez
 En em gavas er jardin da hirvoud assambles.

Meurbet e crenent o daou, hep ellout prononç guer,
 Qer bras e voa o glac'har hac o oll disesper.
 Da azeza e yezont neuze var ar glazen,
 O tont d'en em vriata, mantret gant an anqen.

Oh ! eme Georch da Glemanç, homâ zo calonad !
 En instant eus hor boneur rancout en em güitat !
 Eur güivoud aziouc'h o fenn o c'hurune eno.
 Allas ! rentet voant qer trist evel daou zen maro.

Qerqent al loar a darzas gant eur gaerder meurbet,
 Hac he c'hemeront da dest d'o c'harante barfet.
 Mercomp, emeze, an heur ma sellimp ouz an êe,
 Ma vezo hon daoulagad troet varzu Doue.

Clemanç, va muia caret ! lavar din, me as ped ;
 E cari mad ac'hanon qeit ma vimp separet.
 Ia, Georch, dirac Doue, me en tou did amâ,
 Va c'halon vo did atao bete'n heur divea.

Va c'harantez evidout, Georch qez ! a zo qer bras,
 Mar credân, ma ven maro, em be ar boneur c'hoas,
 Gant eur poc diganes te, da zistrei var ar bed,
 Rac demeus da garantez eo carguet va speret.

Georch, er bâr eus e voneur, en em strinc d'e daoulin,
 En eur bocat da Glemanç ; hac evit ar peurfin

E lavar : Va C'hlemañca ! ret eo n'em separi ;
Na ellàn mui resista ouz un arvest qer cri.

Pêvar bloas voa tremenet abaoe an nòs-se,
Pa ziambarc Georch en Brest, hac e parti neuze
Da gaout e vam da Baris, comz ra dei ouz Clemañç,
Objet e oll garantez hac e oll esperañç.

Pa voan erru, emeàn, duont ebars er ru,
Ilis Sant-Jacques-ar-Prat a voa stignet en du ;
Diouc'h-tu en poul va c'halon evel un tol contel
Am eus santet am c'hlaze, vel p'ajen da vervel.

Ar vam baour n'ell mui cuzat ouz he mab maleürus,
Pini voa oll glac'haret ha meurbet truezus,
Penos e voe discrifet da Glemañç voa lazet ;
Ar pez en d'oa-hi rentet e stat disesperet.

Goude beza, emezi, bet pell-amzer en caon,
Clemañç evit e zad qer e devoe calz a aon,
Rac güelet rê e verc'h paour gant ar glac'har bemdez
O voassât hac o gemer an hent demeus he bez.

An Autrou La Faill neuze d'e verc'h a lavaras :
Clemañç paour ! da c'hlac'har vras am dezol calz, allas !
Te hepgen a ell renta rest va deizioù eürus :
En han' Doue ne deu qet d'am renta maleürus !

Clemañç, eguis ur verc'h vad, en em stlap d'e zaoulin,
Hac a deu da implori ar Vadelez Divin.
Oh ! va zad paour ! emezi, pardonit, me ho ped,
An abec eus ar glac'har gant pini oun brêved. ●

Me bedo Doue bemdez evit Georch, emezi,
Hac evidoc'h, va zad qer !.... me ho ped d'am c'hredi.
Trec'hel a rin d'am zourmant.... Contit atao varnòn :
Ho renta eürus, va zad, vo joa vras evidòn.

He bien, va merc'h, emezàn, goulen digant Doue
An nerz da gaout da bried Proculor ar Roue :
An Autrou Servins en deus goulennet ac'hanout,
Ha nemeus, bete vremâ, comzet ouz se ouzout.

Qerqent m'oe grêt an eured e c'hejont da Baris,
Ha Clemanç a goeas clàn bremâ e zeus tri mis.
Dec'h divea e varvas, hirio eo enterret :
He c'horf paour a zo bremâ o repos er vèret.

Bez confianç en Doue, va mab qèz, me as ped ;
N'am rent qet maleüruzez e qeit ma vîn er bed.
An amzer a zigresco da c'hlac'har, m'en assur ;
Rac te zo mab afêçon, den leal ha den fur.

Georch, goude clêvet e vam, dezi a lavaras :
Me zo un den maleürus, certain, mar boe biscoas ;
Mes, va mam guèz, emeàn, n'ho pezit nep anqen :
Va c'hundu a vo atao hini eur güir gristen.

Vardro an abardaes e qemer calz arc'hant,
Ha pa zeo deut nôs teval, e sorti sioulamant.
Redec a ra d'ar vèred da gaout ar gardien,
Hac e tifun aneàn hep dale nep mui qen.

Emâ voe spontet meurbed hac a goll a gourach
Pa glêo proposi deàn eur c'hrim, eur sacrilach.
Georch a c'houlen digantàn renta deàn Clemanç,
O tisqez eur yalc'had aour evit e recompanç.

Var e refus, e zeo Georch rentet disesperet ;
Anter varo, ouz e dreid e zeo en em stlapet ;
Crial ha yudal a ra, qen a deu an touller
Da accordi d'e vennat, p'er güel en disesper.

Al loar a sclêrijenne an torfet horrupl-se,
An arched a zo souden tennet demeus ar be ;

Mes d'ar c'henta tol morzol evit en digueri,
Georch a leusq ur griaden horrupl ha meurbet cri.

Pa voe digor an arched, e vel bisach Clemañç;
Ne voe mui mestr dioutàn, ha diouc'h-tu ec'h avanç,
Hac e poc dezi ractal, en eur grial ene :
Lavaret e poa eur poc as rentje en bue.

Clemañç a flach hac a leusq un huanad spontus
Hac a ra var Georch Garran un effet spouronus;
Mes hep dale en em gav deut ennàn e-unan,
Hac e tenn eus an arched e Glemañça buan.

Cass a ra Clemañç gantàn. An touller gant glac'har
A anter an arched gollo hac a rench an douar.
Mes pemp bloas antronos-se ec'h erru var ar be
Pried Clemañça La Faill evit pedi Doue.

An Autrou hac an touller, o daou prederiet,
A zo bet en un instant spouronet bras meurbet
En eur velet tost deze ur vreg o sell outo :
Oh ! anavezet e zeo.... Clemañç neo qet maro.

An Autrou Servins qerqent a leusq eur griaden ;
A goste deàn e voa semplet ar gardien.
Clemañç ivez a grias, hac o daou he güeljont
Oc'h antren en eur c'harros hac o tec'hel calz pront.

Antronos, dre ordrenañç, voe digoret ar be,
Hac an arched voe cavet gollonteret ene.
An Autrou Servins neuze a yas hep dale pell
D'informi a guementse Ministr eus ar Brezel.

Epad ma tremene ze, Itron Juli Garran,
Un Itron eus ar gaera a voa var ar bed-man,
Pini voe en Enezi bet gant Georch demezet,
A deu da gambr an Autrou, hac hi disesperet.

Pemzee dez goude galvet dirac ar barnerien,
 Voe confrontet ouz Autrou Servins eno souden.
 Estonet bras e voe hi o tonet d'e glêvet :
 Ne vouie petra respont, qement voa sebezet.

He zad a voe gemennet da zont d'an tribunal :
 Ha d'an hevelidiguez e vouel dourec ractal.
 Ne vouie petra respont ouz an hini a sell,
 Hac a nac'he fermamant n'oa qet hi e vuguel.

Ar varnerien sebezet, n'ouient petra sònjal,
 Qer troublet en em gavent; ze voa dreist ordinal.
 Hi a gontas e buez, e voa orfelines,
 Hac e d'oa hed e buez habitet an Indes.

Un act a voe produet hac a zescas ractal
 Penos e Pondichery Juli eus a Merval
 A voa vit güir eureujet d'ar c'horonal Garran :
 Güelet a rit, emezi, eo güir a lavaràn.

An Autrou Garran a gred eo êchu an affer,
 Pa antre en tribunal ebars en bêr amzer
 An Autrou Servins, gantàn dre an dorn eur buguel,
 Hac a denn varnàn dre oll demeus an oll a sell.

Qerqent an Itron Garran a zant un dorn bian
 Etre e daouarn dezi, hac e tistro buan...
 En anavezout a ra, hac e cléo aneàn
 O lavarat tristamant : eur poc din, va mamàn !

Ar Vreg hac ar Verc'h o doa bete hend resistet,
 Mes ar Vam, dre nerz natur, zo en em drahisset.
 An Avocat a c'houlen ma vo torret eno
 Eur briedelez êchu dre effet ar maro.

Ne c'houlennit qet, a gri, ma vezo d'êc'h rentet
 Ar pezh oc'h eus oc'h-unan d'ar bez abandonet !

Lezit eta ar vreg-mâ d'an den he delivras,
Hac a zo realamant penn-caus ma zeo bet c'hoas.

Qementse voe inutil. Clemança a c'houlen
Antren bars en eur gouent; pellet voe he feden.
Eur jujamant solanel a deu d'e c'hondaoni
Da gaout he fried qenta, da veva en e di.

Un devez benac goude ec'h erru en effet,
Hac hi güisqet en güenn-cann ha meurbet dislivet.
En eur antren er salons, qement voa en em rench,
Hac e cuez reud ha sclasset dirac oll var ar plench.

En em hasta a rejot da rêi sicour dezi;
Mes n'oe nemet vit clêvet ar c'homzou-mâ qer cri:
Digass rân déc'h, va fried, ar pez ho poa collet....
Mervel a ra var ar plaç, en em ampoesonet.

An Autrou Garran rentet en eur stat an trista,
A receo eus e vam baour soignou eus ar brassa;
Mes daoust da guementse oll, antronos e varvas,
O henvel e Glemança, goude un drubuill vras.

FIN.



E Montroulez e ty LÉDAN e traon ru ar Vur.